



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Monvmenta Paderbornensia**

**Ferdinand <II., Paderborn, Bischof>**

**Paderbornae, 1669**

Benevolo Lectori S.

**urn:nbn:de:hbz:466:1-11425**

## Benevolo LectoriS.

**F**inieramus monumenta nostra, cum à Decano, & Collegio Cathedrali Osnabrugensi, sèpius desiderata Caroli Magni diplomata, & donationum literæ ex arcane tabulario nobiscum coimcommunicantur, quas ipse Carolus M. propria manu subscriptas, & annulo suo signatas olim Ecclesias Osnabrugensis, & Wihoni primo ejus Episcopo dedit. Hæ postquam ad Ferdinandum Episcopum ac Principem Paderbornensem, & Coadjutorem Monasteriem perlatæ fuerunt, nihil ille, pro eminente inter Germaniaæ Antistites ac Principes doctrina, acceptius, nihil, pro singulari antiquitatis cognitione ac studio, antiquius habuit, quam ut ab omni mendo purgatas publicæ luci, & communis bono impertiret. Ac licet secundi diplomatis autographum veritate exoletum, læsum etiam alicubi fuerit, ita tamen, ut legi potuerit, integrum mansit, majorque labor fuit, in prisco ævi illius charactere enodando. Quo in genere cum ipse Princeps apprimè versatus esset, faciem lectioni accendit, adhibitisque testibus viris eruditis, utrumque diploma suæ integratæ, ac fidei reddidit. Primum Ertvvinus Ertmannus interpolatum tantummodo, multilumque in suo Chronicœ Osnabrugensi tradit, alterum nec ipse, nec Crantzius, nec Miranus aliquæ tam exactum dedere, quam hic ex ipso autographo ijsdem planè verbis editum legitur. Cæterū duplex nobis horum diplomatum publicandorum causa fuit. Altera ut quæ in monumentis saltus Teutoburgiensis, & deserti Sennæ, de Osneppo & Sinedi memoravimus, hic benevolus Lector certius cognoscat. Altera ut Caroli M. liberalitatem ac munificentiam erga primos Saxoniae Episcopos testatiorem exhiberemus; Nec enim desunt hujus sæculi scriptores, in primis ex adversa religione Gryphiander tract. de Weichb. c. 9. Winckelmann lib. 2. de Not. Saxon. veteris, c. 5. & 9. alijq; post Lehmannum in Chiron. Spirensi lib. 3. qui, ut juris dictioneum Episcoporum, eorumque Regalia jura convallant, aut ab Ottone M. primum communicata persuadeant, Caroli M. diplomata supposititia, adulterina, & à Catholicis scriptoribus mala fide obtrusa, quin omnia Caroli M. privilegia nullibi, nisi in jactatione vulgi extare, temere audent asserere. Inter quæ cum primis reputant diploma Caroli M. Ecclesiæ Bremensi datum, recitatumq; ab Adamo Bremensi in historia sua. Exstat & Ferdensis Ecclesiæ diploma similis prope formæ, ac fidei à Carolo M. consignatum; utrumque à nobis, veri fiduciâ, ad ingressum initiumque monumentorum supra allatum est. Neque aliud ferè obtendunt adverarii, quam quod annus Incarnationis Dominicæ contra ævi illius morem adscriptus; qui etsi aliena manu accesserit, non proinde totum diploma invalidum damnandumve. Certe ea diplomata si, ut nos facimus, ex nativo suo colore, formaque scribendi protulissent, nulla facile dubitatio intervenire posset. Enimvero Osnabrugensis Ecclesiæ diplomata, quæ hic sistimus, aut fidem obtinent, aut nulla humana fides ex Cæstorum tabulis asserta valere debet. Leget igitur hic prudens antiquitatis estimator ampla Episcopi bona, & privilegia, omne Regale, vel Sæculare iudicium in subjectos sibi homines eidem donatum, & perpetuam de Regia potestate confirmata ab solutionem. Hic adverarij, qui tam inquis oculis Sæcularem ac Regalem

Episcoporum jurisdictionem aspiciunt, gratum nobis fecerint, si antiquiora, aut his similia à Carolo M. saecularibus Principibus donata privilegia in medium attulerint. Haud interim dubium, quin reliquis Saxoniae Episcopis, primæ donationum tabulae, pari forma & liberalitate, iisdemque privilegijs à Carolo M. datæ, & consignatae fuerint, quas aut temporum injuria subtraxit, aut vetustas abolevit, nisi inter tabularia adhuc pressæ teneantur. Nobis monumenta concludere non ante yisum fuit, quam & hoc Caroline liberalitatis monumentum cæteris haud ignobilius accederet, & ad posteritatis memoriam consecraretur.

**Privilegium Caroli M. Imp. Osnabrugensi Ecclesiæ datum XIII. Kal. Jan. An. III. Imperij,  
qui est annus Christi 803.**

**I**N nomine Patris & Filii & Spiritus sancti Carolus serenissimus augustus a Deo coronatus magnus pacificus imperator romanum gubernans imperium qui & per misericordiam Dei rex francorum & langobardorum. Quicquid enim locis sanctorum venerabilium ob amorem domini nostri Ihesu Christi & reverentiam sanctorum cedimus vel condonamus hoc ad mercedis augmentum vel stabilitatem regni nostri in Dei nomine pertinere confidimus. Igitur notum sit omnibus fidelibus præsentibus scilicet & futuris qualiter donamus ad basilicam sancti Petri principis Apostolorum & sanctorum martirum Crispini & Crispiniani quam nos construximus in loco Osnabrugki & corpora illorum illuc transtulimus ubi præest vir venerabilis Wiho episcopus omne regale vel seculare judicium super suos servos & liddones & liberos malman & mundinan & omnes utriusque sexus homines eidem ecclesiæ pertinentes quos modo possidet vel deinceps acquisierit & perpetuam de regia potestate confirmamus absolutionem ita ut nullus judex publicus dux comes vel vicecomes vel scultetus sive missi dominici per tempora disurrentes loca illius episcopatus ad placita habenda vel freda exigenda & parafreda aut aliquem de præscriptis eidem ecclesiæ pertinentem ad sua placita bannire vel ad mortem usquam terrarum dijudicare vel aliquo modo ullo unquam tempore aggravare audeant. Sed liceat præfato episcopo suisque successoribus & suo advocateis prædictæ ecclesiæ cum omnibus sibi pertinentibus quieto ordine possidere ordinare atque disponere. Et ut hæc auctoritas firmior ha-

beatus

unum locum & in terrarum omnia articulata & computa sit hoc monumentum illius maiestatis leviter in manu obvius est ut ipso loquaciter & amplius